

雲

適

淡

墨

雲適淡墨卷之八

唐陸璣

方秉蘭兮

蘭卽蘭香草也春秋傳曰刈蘭而卒楚辭云紉秋蘭
孔子曰蘭當爲王者香草皆是也其莖葉似藥草
澤蘭但廣而長節節中赤高四五尺漢諸池苑及
許昌宮中皆種之可著粉中故天子賜諸侯蒹蘭
藏衣著書中辟白魚也

采采茅苳

葇菑一名馬烏一名車前一名當道喜在牛跡中生
故曰車前當道也今藥中車前子是也幽州人謂
之牛舌草可齧與黃同作茹大滑其子治婦人難
產

言采其蟲

蟲今藥草貝母也其葉如桔樓而細小其子在根下
如芋子正白四方連累相着有分解也

中谷有葹

葹似葹方莖白華華生節間舊說及魏博士濟陰周

元明皆云菴蘭是也雜詩及三蒼說悉云菴益母也故曾子見益母感恩案本草云荒蔚一名益母故劉歆曰雅與穢卽荒蔚也

集于菴杞

杞其樹如檇一名苦杞一名地骨春生作莢茹微苦其莖似莓子秋熟正赤莖葉及子服之輕身益氣言采其蕢

蕢今澤葛也其葉如車前草大其味亦相似徐州廣陵人食之

葛與女蘿

葛一名寄生葉似當歸子如覆盆子赤黑甜美女蘿
今兔絲蔓連草上生黃赤如金今合藥兔絲子是
也非松蘿松蘿自受松上生校正青與兔絲殊異
有蒲與荷

荷芙蕖江東呼荷子其葉圓莖下白藕其花未
發爲萼萼已開爲芙蓉其實爲蓮青皮裏白子爲
的的中有青是也其葉圓而爲葉味甚苦故僊語云
苦如薺是也的的實中生金肉脆至秋表皮黑的

成食或可磨以爲餅如栗飯輕身益氣令人強健
又可爲糜幽州楊豫取備饑年其根爲藕幽州謂
之光旁爲光如牛角

參差荇菜

荇一名接余白莖葉紫赤色正圓徑寸餘浮在水上
根在水底與水深淺等大如釵股上青下白鬻其
白莖以苦酒浸之脆美可案酒

于以采蘋

蘋今水上浮萍是也其粗大者謂之蘋小者曰萍季

春始生可慘蒸以爲茹又可用苦酒淹以就酒

干以采藻

藻水草也生水底有二種其一種葉如雞蘇莖大如
箸長四五尺其一種莖大如釵股葉如蓬蒿謂之
聚藻扶風人謂之藻聚爲發聲也此二藻皆可食
煮按去腥氣米麵慘蒸爲茹嘉美楊州饑荒可以
當穀食饑時蒸而食之

言采其茆

茆與荇菜相似葉大如手赤圓有肥者著手中滑不

得停莖大如七柄蕒可以生食又可齧滑美江南
人謂之蕒菜或謂之水葵諸陂澤水中皆有

兼葭蒼蒼

兼水草也堅實牛食之令牛肥強青徐州人謂之兼
兗州遼東通語也蕒一名蘆葵一名葭葭或謂之
荻至秋堅成則謂之蕒其初生三月中其心挺出
其下本大如箸上銳而細楊州人謂之馬尾以今
語驗之則蘆葭別草也

葭竹漪漪

有草似竹高五六尺淇水側人謂之茭竹也綠竹一
草名其莖葉似竹青綠色高數尺今淇澳旁生此
人謂此爲綠竹

荇之華

荇一名陵時一名鼠尾似玉芻生下澤水中七八月
中華紫似今紫草華可染皂煮以沐髮卽黑葉青
如藍而多華

隰有游龍

游龍一名馬薺葉龍而赤白色生水澤中高丈餘

食野之華

羊葉青白色莖青似蒼苔而脆始生可生食又可蒸食

子以采藥

紫條莖凡花白色為藥蒿今白蒿者始生及秋香美可生食又可蒸食一名游胡北海人謂之旁勃故大戴禮夏小正傳曰藥游胡游也

菁菁藚藚

我蒿也一名藚藚生澤田漸池之處葉似邪蒿而細

餅生三用中蓋可生食又可蒸食香美味頗似蒸
饅

高州興慶

其地高也興慶似其高也其地數寸高丈餘好生水邊
及海邊連片耕種生一種雞正白生食之香而脆美
其葉公而無爲如

食野之篇

詩書揚也其地興慶似其高也其地數寸高丈餘好生水邊
及海邊連片耕種生一種雞正白生食之香而脆美

興慶卷五

卷耳一名桑耳一名胡桑一名耳葉青白色似胡
荽白華細莖蔓生可食爲茹滑而少味四月中生
子正如婦人耳申瓊今或謂之耳瑤草鄭康成謂
是白胡荽幽州人呼爲爵耳

贈之以芍藥

芍藥今藥草芍藥無香氣非是也未審今何草司馬
相如賦云芍藥之和楊雄賦曰甘甜之和芍藥之
美七十食也

采葑采菲

葑蔓菁幽州人或謂之芥非似菹莖粗葉厚而長有毛三月中蒸嚙爲茹甘美可作羹幽州人謂之茹爾雅又謂之蕒菜河內人謂之宿菜

言采其蕒

蕒鼈也山菜也周秦曰蕒齊魯曰鼈初生似蒜莖紫黑色可食如葵

言采其薇

薇山菜也莖葉皆似小豆蔓生其味亦如小豆霍可作羹亦可生食今官園種之以供宗廟祭祀

言采其菑

菑一名菑幽州人謂之燕菑其根正白可著熱灰中
溫噉之饑荒之歲可蒸以禦饑漢祭甘泉或用之
其草有兩種葉細而行赤有臭氣也

薄言采芑

芑菜似苦菜也莖青白色摘其葉白汁出肥可生食
亦可蒸爲茹壽州謂之芑西河雁門芑尤美胡人
戀之不出塞

誰謂荼苦

茶苦菜生山田及澤中得霜甜脆而美所謂董茶如
飴內則云濡豉包苦用苦菜是也

匏有苦葉

匏葉少時可爲羹又可淹煮極美楊州人食至八月
葉卽苦故曰苦葉

邛有旨苕

苕苕饒也幽州人謂之翹饒生莖如勞豆而細葉似
蒺藜而青其莖葉綠色可生食如小豆藿也

言采其莫

莫莖大如箸赤節節一葉似柳葉厚而長有毛刺令
人繼以取蘭緒其味酢而滑如生可以爲羹又可
生食五方通謂之酸迷冀州人謂之乾絳河汾之
間謂之莫

莫莫藹藹

藹一名巨苽似燕薹亦延蔓生葉如艾白色其子赤
可食酢而不美幽州謂之推藹

視爾如莢

莢一名芑芑一名荆葵似蕪菁莖紫綠色可食微苦

北山有萊

萊草名其葉可食今兗州人蒸以爲茹謂之萊蒸

取蕭祭脂

蕭荻今人所謂荻蒿者是也或云牛尾蒿似白蒿白葉莖脰斜生多者數十莖可作燭有香氣故祭祀以脂焚之爲香許慎以爲艾蒿非也郊特牲云旣奠然後饗蕭合馨香是也

白茅包之

白茅包之茅之白者古用包裹禮物以克祭祀縮酒

用

可以漚紵

紵亦麻也科生數十莖宿根在地中至春自生不歲種也荆楊之間一歲三收一作刈今官園種之歲再割割便生剝之以鐵若竹刮其表厚皮自脫但得其裏韌如筋者莫之用緝謂之微紵今南越紵布皆用此麻

邛有盲鵒

鵒五色作綬文故曰綬草

南山有臺

臺夫須舊說夫須莎草也可爲簑笠都人士云臺笠
緇撮或云臺草有皮堅細滑緻可爲簑笠南山多
有

茹蔥枉阪

茹蔥茅蒐蒨草也一名地血齊人謂之茜徐人謂之
牛蔓今圃人或作畦種蒔故貨殖傳云扈茜千石
亦比千乘之家

白華菅兮

管似茅而滑澤無毛根下五寸中有白粉者柔韌宜
爲索漚及曝尤善也

蔽蔓于野

蔽似枯樓葉盛而細其子正黑如燕薹不可食也幽
州人謂之烏服其莖葉煮以哺牛除熱

匪莪伊蔚

蔚牡蒿也三月始生七月華華似胡麻而紫赤八月
爲角角似小豆角銳而長一名馬新蒿

隰有萋楚

葇楚今羊桃是也葉長而狹花紫赤色其枝莖弱過
一尺引蔓于草上今人以爲汲灌重而善沒不如
楊柳也近下根刀切其皮著熱灰中脫之可韜筆
管

芄蘭之支

芄蘭一名蘿摩幽州謂之雀瓢柔弱恒蔓于地有所
依緣則起

浸彼苞稂

稂童梁禾秀爲穗而不成崩疑然謂之童梁今人謂

之謂桐余或謂梓田也甫田云不稂不莠外傳曰
是不過稊莠皆是也

言其遠

遠年顏楊州人謂之羊蹄似蘆葍而莖赤可瀹爲茹
滑而美也多啖令人下氣幽州人謂之遠

梓椅梧桐

梓者楸之疏理白色而生子者爲梓梓實桐皮曰椅
今人云梧桐也則大類同而小別也桐有青桐白
桐赤桐白桐宜琴瑟今雲南人續以爲布似

毛布

有條有梅

條梅也今山楸也亦如下田楸耳皮葉白色亦白材
理好宜爲甬板能溼又可爲棺木宜陽共北山多
有之梅樹皮類似豫章葉大如牛耳一頭尖赤心
華亦實子青不可食樹葉大如三四葉一葉木理
細緻于豫章子赤者材堅子白者材脆荊州人曰
梅終南及新洛上庸皆多樟楠終南與上庸新城
通故亦有梅也

北山有楸

楸楸屬其樹葉木理如楸山楸之異者今人謂之苦楸溼時脆燥時堅今永昌又謂鼠梓漢人謂之楸常棣

常棣許慎曰白棣樹也如李而小如櫻桃正白今官園種之又有赤棣樹亦似白棣葉如刺榆葉而微圓子正赤如郁李而小五月始熟自關西天水隴西多有之

爰有樹檀

檀木皮正青滑澤與繫迷相似又似駁馬駁馬梓榆其樹皮青白駁犖遙視似馬故謂之駁馬故里語曰斫檀不諦得繫迷繫迷尚可得駁馬繫迷一名挈榼故齊人諺曰上山斫檀挈榼先殫下章云山有枹棣隰有樹槩皆山隰木相配不宜謂獸

柞械拔矣

柞械三蒼說械卽柞也其材理全白無赤心者爲白桺直理易破可爲犢車軸又可爲矛戟鍛

隰有杞夷

棟葉如柞皮薄而白其木理赤者爲赤棟一名栳白者爲棟其木皆堅韌今人以爲車轂

山有栲

栲櫨也葉似杏而尖白色皮正赤爲木多曲少直枝葉茂好二月中葉疏華如棟而細藥正白蓋此樹今宮園種之正名曰萬歲旣取名于億萬其葉又好故種共汲山下人或謂之牛筋或謂之櫨材可爲弓弩幹也

其灌其栲

樹桶葉如榆也木理堅韌而亦可爲車轅

其櫪其楮

櫪河柳生水旁皮正赤如絳一名雨師枝葉似松楮
櫪節中腫以扶老今靈壽是也今人以爲馬鞭及
杖弘農共北山甚有之

山有櫪

櫪其針刺如柘其葉如榆瀹爲茹美滑于白榆榆之
類有十種葉皆相似皮及木理異爾

山有栲

栲葉似櫟木皮厚數寸一爲車輻或謂之栲櫟許慎
正以栲讀爲稭今人言栲失其聲耳

集于苞栩

栩今作櫟也徐州謂櫟爲杼或謂之爲栩其子爲皐
或言皐斗其殼爲汁可以染皐今京洛及河內多
言杼斗或云櫟斗謂櫟爲杼五方通語也

無浸穫薪

穫今椰榆也其葉如榆其皮堅韌剝之長數尺可爲
組索又可爲氈帶其材可爲杯器

集于苞杞

杞柳屬也生水旁樹如柳葉麓而白色木理微赤故
今人以爲車轂今其北淇水旁魯國太山汶水邊
純杞也

其下維穀

穀幽州人謂之穀桑或曰楮桑荆楊交廣謂之穀中
州人謂之楮殷中宗時桑穀共生是也今江南人
績其皮以爲布又擣以爲紙謂之穀皮紙長數丈
潔白光輝其裏甚好其葉初生可以爲茹

榛桔濟濟

桔其形似荆而赤莖似蒼上黨人織以爲斗筲箱器
又操以爲釵故上黨人調問婦人欲買桔不曰窺
下自有黃土問買釵不曰山中自有桔

楊之水不流東蒲

蒲柳有兩種皮正青者曰小楊其一種皮紅正白者
曰大楊其葉皆長廣似柳葉皆可以爲箭幹故春
秋傳曰董澤之蒲可勝旣乎今人又以爲箕籬之
楊也

蔽芾其樗

山樗與下田樗畧無異葉似差狹耳吳人以其葉爲茗

椒聊之實

椒聊聊語助也椒樹似茱萸有針刺莖葉堅而滑澤蜀人作茶吳人作茗皆合煮其葉以爲香今成臯諸山間有椒謂之竹葉椒其樹亦如蜀椒少毒熟不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚

香其味似橘皮島上麋鹿食此椒葉其肉自然作
椒橘香也

山有苞櫟

苞櫟秦人謂柞爲櫟河內人謂木蓼爲櫟椒櫟之屬
也其子房生爲楸木蓼子亦房生

食鬱及蓂

鬱其樹高五六尺其實大如李色赤食之甘

樹之榛栗

榛栗屬有兩種其一種之皮葉皆如栗其子小形似

杼子味亦如栗所謂樹之榛栗者也其一種枝葉如木蓼生高丈餘作胡桃味遼東上黨皆饒山有榛榛枝葉似栗樹子似橡子味似栗枝莖可以爲燭五方皆有栗周秦吳楊特饒吳越被城表裏皆栗惟漁陽范陽栗甜美長味他方者悉不及也倭韓國諸島上栗大如雞子亦短味不美桂陽有華栗藜生大如杼子中仁皮子形色與栗無異也但差小耳又有奧栗皆與栗同子圓而細或云即莖也今此惟江湖有之又有茅栗佳栗其實更小而

木與栗不殊但春生夏華秋實冬枯爲異耳

標有梅

梅杏類也樹及葉皆如杏而黑耳曝乾爲腊置羹臠
壺中又可含以香口

蔽蒂甘棠

甘棠今棠梨一名杜梨赤棠也與白棠同耳但子有
示白美惡子白色爲白棠甘棠也少酢滑美赤棠
一澀而酢無味俗語云澀如杜是也赤棠木理韌
亦可以作弓榦

唐棣之華

唐棣與李也一名雀梅亦曰車下李所在山中皆有
其花或白或赤六月中成實如李子可食

隰有樹檖

檖一名赤蘿一名山梨今人謂之楊檖其實如梨但
實甘小異耳一名鹿梨一名鼠梨齊郡廣饒縣
山魯國河內共北山中有今人亦種之極有脆美
者亦如梨之美者

北山有枸

枸樹山木其狀如櫨一名枸骨高大如白楊所在山中皆有理白可爲函板枝柯不直于著枝端大如指長數寸噉之甘美如飴八九月熟江南特美今官園種之謂之木蜜古語云枳枸來巢言其味甘故飛鳥慕而巢之本從南方來能令酒味薄若以屋柱則一屋之酒皆薄

顏如舜華

舜一名木槿一名櫬一名曰椶齊魯之間謂之王蓀今朝生暮落者是也五月始花故月令仲夏木槿

榮

采茶薪樗

樗樹及皮皆似漆青色耳其葉臭

唯筍及蒲

筍竹萌也皆四月生唯巴竹筍八月九月生始出地
長數寸鬻以苦酒豉汁浸之可以就酒及食

鳳凰于飛

鳳雄曰鳳雌曰凰其雛爲鸞鸞或曰鳳凰一名鸞非
梧桐不棲非竹實不食

鶴鳴于九臯

鶴形狀大如鷺長三尺腳青黑高三尺餘赤頂赤目喙長四寸餘多純白亦有蒼色蒼色者人謂之赤頰常夜半鳴淮南子亦云雞知將旦鶴知夜半其鳴高亮聞八九里雌者聲差下今吳人園園中及士大夫家皆養之雞鳴時亦鳴

鶴鳴于垓

鶴鶴雀也似鷺而大長頸赤喙白身黑尾翅樹上作巢大如車輪卵如三升杯望見人按其子令伏徑

舍去一名負釜一名黑甕一名背竈一名皂裙又
泥其巢一旁爲池含水滿之取魚置池中稍稍以
食其雛若殺其子則一邨致旱災

飢彼晨風

晨風一名鷗似鷗青黃色燕領鉤喙嚮風搖翅乃因
風飛急疾擊鳩鷂燕雀食之

飢彼飛隼

隼鷂屬也齊人謂之擊征擊一作鷂或謂之題肩肩一作背
謂之雀鷹春化爲布穀者是也此屬數種也

有集維鵲

鵲微小于翟也走而且鳴曰鵲鵲其尾長肉甚美故
林慮山下人語曰四足之美有麋兩足之美有鵲
麋者似鹿而小

關關雉鳩

雉鳩大小如鳩深目目上骨露出幽州人謂之鷺

鳴鳩在桑

鳴鳩鵲鵲今梁宋之間謂布穀爲鵲鵲一名擊穀一
名桑鳩按鳴鳩有均一之德飼其子旦從上而下

暮從下而上平均如一

宛彼鳴鳩

鳴鳩今雲南鳥大如鳩而黃帝鳴相呼不同集謂金鳥或云黃當爲鳩聲轉故名移也又云鳴鳩一名爽又云是鸛

翩翩者雛

雛其今小鳩也一名乳鳩幽州人或謂之鷦鷯梁宋之間謂之雛楊州人亦然

春令在

脊令大如鸚雀長尾尖喙背上青灰色腹下白
頸下黑如連錢故在陽人謂之連錢

黃鳥于飛

黃鳥黃鸝也或謂之黃栗留幽州人謂之黃鶯或
謂之黃鳥一名鷦鷯一名商庚一名鷺黃一名楚
雀齊人謂之搏黍關西謂之黃鳥當甚熟時來在
桑間故里語曰黃栗留看我麥黃甚熟亦是應節
趨時之鳥或謂之黃袍

鳴鵒

鴟鴞似黃雀而小其喙尖如錐取茅莠爲巢以麻紖
之如刺襪然縣著樹枝或一房或二房幽州人謂
之鶯鴝或曰巧婦或曰女匠關東謂之工雀或謂
之過羸關西謂之桑飛或謂襪雀或曰巧女

交交桑扈

桑扈青鳥也好竊人脯肉脂及膏故曰竊脂

肇允彼桃蟲

桃蟲今鷦鷯是也微小于黃雀其雛化而爲鷗故俗
語鷦鷯生鷗

振鷺于飛

鳥水鳥也好而潔白故謂之白鳥齊魯之間謂之春
鉏遼東樂浪吳揚人皆謂之白鷺大小如鴟高尺
七八寸尾如鷹尾喙長三寸所頭上有毛十數枚
長尺餘毳毳然與眾毛異甚好將欲取魚時則弭
之今吳人亦養焉好羣飛鳴楚威王時有朱鷺合
沓飛翔而來舞則復有赤者舊鼓吹朱鷺曲是也
然則鳥名白鷺赤者少耳此舞所持持其白羽也
維鷗在梁

鵜水鳥形如鵞而極大喙長尺餘直而廣口中正赤
領下胡大如數升甕好羣飛若小澤中有魚便羣
共抒水滿其胡而棄之令水竭盡魚在陸地乃共
食之故曰淘河

鴻飛遵渚

鴻鵠羽毛光澤純白似鶴而大長頸肉美如雁又有
小鴻大小如鳬色亦白今人直謂鴻也

鳬與雁

鳬大小如鴨青色單蹼短澤水鳥之謹愿者也

肅肅鵠羽

鵠鳥似雁而虎文連蹄性不樹止樹止則爲苦故以喻君子從征役爲危苦也

翩彼飛鵠

鵠大如斑鳩綠色惡聲之鳥也入人家凶賈誼所賦鵠鳥是也其肉甚美可爲羹臠又可爲炙漢供御物各隨其時惟鵠冬夏常施之以其美故也

流離之子

流離梟也自關而西謂梟爲流離其子適長大還食

其母故張與云鶴鷄食母許慎云梟不孝鳥是也

麟之趾

麟麋身牛尾馬足黃色圓蹄一角角端有肉音中鍾
呂行中規矩遊必擇地詳而後處不履生蟲不踐
生草不羣居不侶行不入陷阱不罹羅網王者至
仁則出今并州界有麟大小如鹿非瑞麟也故司
馬相如賦曰射麋脚麟謂此麟也

于嗟乎騶虞

騶虞卽白虎也黑文尾長于軀不食生物不履生草

君王有德則見應德而至者也

有熊有羆

熊能攀緣上高樹見人則顛倒自投地而下冬多入穴而蟄始春而出脂謂之熊白羆有黃羆有赤羆大于熊其脂如熊白而麤理不如熊白美也

羔裘豹飾

豹赤豹毛赤而文黑謂之赤豹毛白而文黑謂之白豹

獻其貔皮

貌似虎或曰似熊一名執夷一名白狐其子爲彘遼東人謂之白羆

狼跋其胡

狼牡名獾牝名狼其子名獾有力者名迅其鳴能小能大善爲小兒啼聲以誘人去數十步止其敏捷者人不能制雖善用兵者亦不能免也其膏可煎和其皮可爲裘

教猱升木

猱獼猴也楚人謂之沐猴老者爲獼長臂者爲猱猱

之白腰者爲獬胡獬胡狻猊捷于獼猴其鳴噉噉而悲

有鱣有鮪

鱣出江海三月中從河下頭來上鱣身形似龍銳頭口在頷下背上腹下皆有甲縱廣四五尺今于盟津東石磧上釣取之大者千餘斤可蒸爲臠又可爲鮓子可爲醬鮪魚形似鱣而色青黑頭小而尖似鐵兒盤口在頷下其甲可以磨薑大者不過七八尺益州人謂之鮪鮪大者爲王鮪小者爲叔鮪

一名鮓肉色白味不如鱸也今東萊遼東人謂之
尉魚或謂之仲明魚仲明者樂浪尉也溺死海中
化爲此魚又河南鞏縣東北崖上山腹有穴舊說
此穴與江湖通鮓從此穴而來北入河西上龍門
入漆沮故張衡賦云王鮓岫居山穴爲岫謂此穴
也

維魴及鱖

魴今伊洛濟潁魴魚也廣而薄肥恬而少力細鱗魚
之美者漁陽臬鞠乃口遼東梁水魴特肥而厚尤

美于中國魴故其鄉譚居就糧梁水魴鱖似魴厚而頭大魚之不美者故里語曰網魚得鱖不如啗茹其頭尤大而肥者徐州人謂之鯁或謂之鱖幽州人謂之鶚鴈或謂之胡鱖

魚麗于留魴鯉

魴鯉爾雅曰鯉鯢也許慎以爲鯉魚璣以爲似鯉類狹而厚

九戩之魚鱗魴

鱗似鯉魚而鱗細于鯉也赤眼多細文

魚麗于留鰭鰲

鰭一名揚合黃鰭魚似燕頭魚身形厚而長鰭正黃魚之大而有力解飛者今江東呼黃鰭魚一名黃鰭魚尾微黃大者長尺七八寸許鰭吹沙也似鯽魚狹而小體圓而有黑點一名重唇鰭鰲嘗張口吹沙

象弭魚服

魚服魚獸之皮也魚獸似猪東海有之一名魚狸其皮背上斑文腹下純青今以爲弓韃步叉者也其

皮雖乾燥以爲尋鱗衣服經年海水將潮及天將雨其毛皆起水潮還及天晴其毛復如故雖在數千里外可以知海水之潮氣息相感也

鼉鼓逢逢

鼉形似蜥蜴四足長丈餘生卵大如鷺卵甲如鎧今合藥鼉魚甲是也其皮堅厚可以冒鼓

成是貝錦

貝水中介蟲也龜鼈之屬大者蚌小者爲貝其文彩之異大小之殊甚衆古者貨貝是也餘蛭黃爲質

以白爲文餘泉白爲質黃爲文又有紫貝其白質如玉紫點爲文皆行列相當其大者常有徑一尺小者七八寸今九真交趾以爲杯盤什物也

螽斯

爾雅曰螽蟴蟴也楊雄曰春黍也幽州人謂之春箕春箕卽春黍蝗類也長而青長角長股青色黑斑其股似玳瑁文五月中以兩股相搓作聲聞數十步

嚶嚶草蟲

草蟲常羊也大小長短如蝗奇音青色好在茅草中
今人謂蝗子爲螽子兗州謂之騰

趨趨阜螽

阜螽蝗子一名負螯今人謂蝗子爲螽子兗州人亦
謂之騰

莎雞振羽

莎雞如蝗而斑色毛翅數重翅正赤或謂之天雞六
月中飛而振羽索索作聲幽州謂之蒲錯

去其螟螣及其蠹賊

螟似蜉蝣而頭不赤膽煙也賊桃李中蠹蟲赤頭身
長而細耳或云蠹蝥蛄食苗根爲人害許慎云吏
冥人犯法卽生螟之乞貸則生蠶吏祇冒取人財
則生蠹舊說云螟螣蠹賊一種蟲也如言寇賊姦
宄內外言之耳故螣爲文學曰此四種蟲皆蝗也
實不同故分釋之

螟蛉有子

螟蛉者蜋爲文學曰桑上小青蟲也似步屈其色青
而細小或拉葦葉上螺羸土蜂也一名蒲盧似蜂

而小腰故許慎云細腰也取桑蟲負之于木空中
或書簡筆筒中七日而化爲其子里語曰呪云象
我象我

蟋蟀在堂

蟋蟀似蝗而小正黑有光澤如漆有角翅一名蜚一
名蜻蛚楚人謂之王孫幽州人謂之趣織督促之
言也里語曰趣織鳴嬾婦驚是也

蜉蝣之羽

蜉蝣方土語也通謂之渠畧似甲蟲有角大如指長

伊威在室

伊威一名委委一名鼠婦在壁根下甕底土中生似白魚者是也

蠨蛸在戶

蠨蛸長踦一名長腳荊州河內人謂之喜母此蟲來著人衣當有親客至有喜也幽州人謂之親客亦如蜘蛛爲羅網居之

碩鼠

樊光謂卽爾雅鼯鼠也許慎云鼯鼠五伎鼠也今河

東有大鼠能人立交前兩腳于頸上跳舞善鳴食
人禾苗人逐則走入樹空中亦有五伎或謂之雀
鼠其形大故云石鼠也魏今河東河北縣也詩言
其方物宜謂此鼠非今大鼠又不食禾苗本草又
謂螻蛄爲石鼠亦五伎古今方土名蟲鳥物異名
同故異也

如鬼如蛾

蛾短狐也一名射影如龜二足江淮水濱皆有之
人在岸上影見水中投人影則殺之故曰射影也

方人將入水先以瓦石投水中令水濁然後入或曰含細沙射入人肌其創如疥

卷髮如蠶

蠶一名杜伯河內謂之蚊幽州謂之蠅

胡爲虺蜴

虺蜴一名蝮蜴也或謂之蛇醫如蜥蜴青綠色大如指形狀可惡

領如蝥蟥

蝥蟥生糞中爾雅曰蝥蟥也蝥蟥蜴也

隨筆

人之于世皆在憂患中過日雖富貴之極亦然彼昏不知反以生爲樂何也此惟無我可免

識得破天地萬物不見一毫何世態之有識得破天

地萬物莫非已也何人我之有

參龍子

纔計較添多少煩惱只計較便有查滓安得瑩然○

能寡欲省多少勞擾只寡欲便見虛明自是廓如

覺得自家過失便是知長處改得前日過失便是仁

長處覺後必改改後必不復便是勇長處

龍子

財者陷身之阱色者戕身之斧酒者毒腸之藥人能

于斯三者致戒焉災禍其或寡矣

華川戶
厄辭

鏡無美惡物無妍媸皆生于心

衆生必死然雖死而非死蓋臭腐化神奇若寒暑潮
汐之消息無往不成來非有空閒可頓放也故死
亦生之事非生之外別有死也

四方上下無際也于心之無際見之

大患在乎有身去私己之謂也

萬象皆太虛舍萬象欲得太虛猶之空中覓天也無

象前之虛亦無象外之虛天亦太虛之別名萬象
卽天也外天而求象猶如外水以言冰

致良知學者之活法主敬而非良知或勞苦而不近
人情行恕而非良知或慈和而易于兼愛直躬而
非良知則證父嫂溺而非良知則不援凡百皆然
能知生則無生無生則無死生

晝之所爲者心之施夢之實也夜之所感者心之思
夢之餘也

天地一人身督脉經泥丸遵夾脊而至尾閭河源自

雲漢下星宿海而入歸虛

冥影契

人之養生只是降意火意火降得不已漸有餘溢自然上升只管降只管自然升非是一升一降相對也降便是水升便是火參同契真人潛深淵浮游守規中此其指也

宵練匹

至誠以感人猶不服況設詐以行之乎
防小人密于自修

事最不可輕忽雖至微至易者皆當以慎重處之
左右之言不可輕信必審是實

待下固當謙和謙和而無節反納其侮所謂重巽吝也惟和而莊則人自愛而畏聞人毀已而怒則譽已者至矣以已之廉病人之貪取怨之道

清心省事爲官切要且有無限之樂

大臣行事當遠慮後來之患難小事不可啓其端

正以處心廉以律已忠以事君恭以事長信以接物

寬以待下敬以處事此居官之七要也

從政錄

人只道人心難料不知自心更難料假如乏錢時自

思得了百錢千錢儘穀足矣及至得錢後再添了
千貫萬貫還更不穀以此知自心難料人只道人
心不平不知自心更不平假如失意時受了人一
拳一棍幾恨死矣及至得意後打了人百拳百棍
反更稱佳以此知自心不平

凡人性子動氣最大聖人不動些兒氣問何故曰無

敵

道徇編

無病之身不知其樂也病生而始知無病之樂矣無
事之家不知其福也事至而始知無事之福矣

今日忽然作好人則前日之非如已醒之夢今日忽然作妄事則前日之善如已染之絲

君子未嘗無邪念也隨起而隨滅則日月何虧小人未嘗無正念也明知而明悖則禽獸不遠

槎菴語

一入發真魔宮震動諸天欲善人熾盛以摧魔也一人造業地藏慈悲菩薩欲地獄盡空乃自成佛也金剛經四無相但我相空則人法壽相皆盡矣永壽集三料揀但法身微則般若解脫皆真矣華嚴六相義但知真如總相則總別同異成壞皆融矣曹

溪四智但悟大圓鏡智則平等觀察所作皆轉矣

孟子之言巧力臨濟之言照用豈有二哉

容臺
隨筆

藏心于淵神不外也

天弓虹也見白虎通亦云帝弓

威屑霜也迷空步障霧也

竹胎說文筍也

水簾本草曰萍也

水栗菱也西陽雜俎

水芝廣雅瓜也古今注蓮一名水芝

木蜜廣記曰棗也

丹若石榴也又曰塗林

快果本草梨也

堯韭菖蒲也見呂覽

水畜魚也又曰川禽亦魚也

一寸樓臺蜂窠也

撲朔蘇東坡詩寒窗暖足來朴握註兔也古樂府雄

兔腳撲朔古文苑作朴握

羶根羊也見南楚新聞

山公李約養一猿名山公又王仁裕名爲野賓

殊翁洪鴈也見漢雋

飛奴鴿也張曲江以傳書故名又曰插羽家人

金炯司空圖以鏡爲金炯

寶帚僞唐宣宗王從諫用宣城諸葛筆號翹軒寶帚

自此江南士人呼筆爲寶帚

清防屏風也見顏延年詩

香壁蜀士景煥墨印文曰香壁

涼友扇也商山館中有詩曰涼友招清風

樂句拍板也韓愈問牛僧孺拍板喚作甚牛曰樂句
韓大稱賞因此名搖京師

耍舟曄雅壺也腰之可以涉水

屈戌窗戶環紐卽古金鋪梁簡文詩織成屏風金屈
戌李商隱詩鎖香金屈戌

謔門東京賦謔門曲榭沈存中云字訓謔別也但言
別門耳故以對曲榭非有定處

牢丸今湯餅也見東晉餅賦

雜馥和香也見通典

兄公爾雅婦稱夫之兄曰兄公

小鳳唐人謂宰相老鳳翰林學士大鳳中書舍人小鳳

四聖諦

觀苦聖諦修四行相

苦者世間果

一非常若有還無故謂非常

二苦隨逐煎逼故謂之苦

三空觀察本無故謂之空

四非我不自在故謂之非我

觀集聖諦修四行相

集者世間因

一因生相似果故謂之因

二集能生流轉故謂之集

三生能牽生死故謂之生

四緣能相和合故謂之緣

觀滅聖諦修四行相

滅者出世果

一滅生死相違故謂之滅

二靜無煩惱火故謂之靜

三妙勝一切法故謂之妙

四離能舍生死故謂之離

觀道聖諦修四行相

道者出世因

一道能至非品故謂之道

二如不顛不倒故謂之如

三行聖足所履故謂之行

四出永超生死故謂之出

四聖諦皆自煖法中證者何蓋深造之以道若江河

之浸膏澤之潤渙然冰釋怡然理順也煖相既生

進進不已究竟到極猶如登山直至頂也若遇諸

難卽便退還若無諸難必住于忍猶至山頂棲止而安住也忍者居之安資之深也

五蘊

色蘊 四大所成虛假積聚 受蘊 領納資貪苦

樂不等 想蘊 思念奔馳取種種境 行蘊

諸心所法微細遷流 識蘊 于所緣境熾然分

別

六大

地水火風爲四塵大不見邊表識大萬法本源

六識

本自一心徧由六根門頭而成六識在眼爲見在耳爲聞在鼻嗅香在舌嘗味在身染觸在意攀緣如是根塵識三事和合爲十八界若如實知自性皆空是爲能學六根六塵六識

八識

眼耳鼻舌身意爲六七末那識八阿賴耶識此八識具三能變一異熟能變卽第八識多異熟性故二思量能變卽第七識恒審思量故三了境能變卽

前六識麤了境故復次此第八識能發起前六轉
識謂前世中以善不善業爲因招感今生第八異
熟心是果復次入滅定聖人身語心行無不皆滅
而壽煖不滅卽第八識與壽煖依

三識

業識根本無明轉識微細流注現識發起現行

三因三緣

謂無明未斷故愛未棄故業未息故由是因緣能感
有所以者何業爲良田識爲種子愛爲灌溉無明

無智無了無見之所覆蔽識便安住欲有色有無
色有處欲最爲下色爲其中無色爲妙由欲界業
感異熟果正現在前故可以設此爲欲有當爾之
時業爲良田識爲種子愛爲灌溉識便安住下欲
有處若色界無色界感異熟果亦復如是

十二因緣

無明 昏翳真智 行 流注不息 識 妄生愛
染 名色 觀行定質 六入 塵根暗對 觸
漸生染着 受 納而不執 愛 習力成染

取 執之不捨 有 業因成就 生 愛慾
流轉 老死 衆苦所歸

四緣

一因緣諸法和合 二次第緣心心所法謂前識滅後識生前

識能與後識相續不斷 三所緣緣法無所依緣塵故是所緣 四

增上緣法無可得從根生故是增上緣

五根

信根 依佛正見入于法海故 念根 住諸善法
所修不忘故 精進根 念茲在茲攝修是法故

定根 湛寂虛名修心不亂故 慧根 明辨
實諦以智照了故

四正勤

精進根 靈苗滋茂 精進覺 心心警策 精進
力 無所屈撓 正精進一不墮邪習 又以無
所得而爲方便于諸未生惡不善法爲不生故于
已生惡不善法爲永斷故未生善法爲令生故已
生善法令安住故

七覺支

念覺支 觀一切法自性皆空 擇法覺支 能分別了義不了義 精進覺支 勤修不退已覺未覺 喜覺支 所修法喜禪悅故 倚覺支 所覺無覺故 定覺支 如所定覺了諸法故 捨覺支 不爲世法所牽無着無礙故

八聖道支

正見 不起斷常見 正思惟 所思皆戒定慧解脫知是 正語 凡所演說心口相應 正業 修順理業故、正命 威儀不亂無諸姦諂故

正精進 入正諦聖道故 正念 進向涅槃心
無異緣故 正定 決定不亂故

五眼

肉眼 見內暗外 天眼 內外俱明 慧眼 照

了諸相 法眼 觀機設教 佛眼 普觀法界

六通

神境通 變化無礙 天耳通 洞聽十方 他心

通 悉知種類 宿命通 達三世事 天眼通

徹視大千 漏盡通 證無菩提除一切習氣

禪定發通固理之常若專事通則違真趣如輔行
記云修三昧者忽發神通急須棄之有漏之法虛
妄固也

廣話

淵懿遂願深也封巨莫莽艾祁大也頒賦鋪敷布也
蓋戴壽蒙冒覆也鐘崇府最積灌聚樸叢也閱搜
履庀具也攻爲話和卽寧營匠治也蠲被禪屑潔
也勿蔑微曼末沒無也隱舉岸峻高也逼尼附切
局鄰傅戚近也邵類背義美也賢哀繁優饒顒多

也幾蔡模臬法也

蔡取蓄龜義亦法也

爰換變貿交更易也

生造奏詣進也索寒探衷鉤掠採畧也開徹接通

達也固歷彌宿舊尚久也彌愈滋強益也赫敦爽

曉昕著讚曙明也皆附襲就因也封畛際限疆畧

界也承第班列次也戶悛格扈止也

戶取其闔礙悛取其改皆

止之義幽瞢闇昧冥也最冗自質要也疆窮克竟也

而乃爾若汝也控轡挽引也承贊涼助佐也尋由

以用也要捷集載成也肆赴捷疾也造之如適也

掇督撫拾也肆子燼餘也拓斥啓關開也杜實克

物滿也獎率勵勸也勸勉事力也經屑省過也闕
缺閒隙也迭遞交更也熸刻沒滅也玄黔黷黑
也縞皓素白也彤特緼朱也淫溢沉滅沒也載功
物事也

廣言

晏明陽也盱晏晚也算麗數也容艾老也僉皆同也
交校報也舒布展也揚資舉也索畧求也奚害何
也里慶居也周決匪也克該備也列厥陳也輻輳
輿也虜措置也駕乘凌也收戢斂也禁錄也掌司

主也偏贅屬也麗著思也載畧行也沓襲合也抵
享當也庚徹通也脩舒長也校戟交也謁復白也
勅質正也商蔑未也延衍散也未沒終也化辨別
也菲涼薄也復旋還也祖翼送也走叩我也性命
奴子也諧顓和也悛寤覺也憾猜恨也艾盡止也
攔忿也姦犯也汨滑亂也縮續抽也暨捷及也苞
拔本也肆臬極也睇題視也犯肆突也束縻縛也
肆從逐也放投棄也莽撫草也暴映晒也炊也晞
煇乾也廸跡蹈也衍演廣也袤從長也荷揚擔也

仍再也徇歸也工官也稽考也顛殞也躋陞也戕
殘也勦截也辟除也恩患也謫責也間非也順退
也抗禦也斬取也蚩戲也褊狹也憊忌也沮疑也
虧損也毀壞也判散也蔽斷也交俱也俘罰也夷
傷也枳害也締閉也靡細也辨使也牧臨也嘗試
也賴羸也若乃也嗟發聲也奏爲也振救也庸償
也賈價也贍足曹偶也麗兩也驟數也逞快也越
遠也姑且也哿可也釋解也庸善也荐重也登升
也勵勉也赫顯也躋是也不莊也佞才也暨恩也

話言也願謹也丰豐也都盛也腆厚也肆緩也競
逐也紀基也憚忌教也整願也慙強也薄迫也燁
炊也資取也質信也餽饋也憑依也藉借也際接
也閔限也廬寄也萃集也筵倅也尤怪也瞢慙也
索空也素故也視此也惶往也矜惜也狃怵也覬
望也何任也御侍也殿慎也選擇也宣示也

廣訓

諸之乎也旃焉也惡乎於何也烏乎吁嗟也吁嗟嗚
呼也有所嘆美有所傷痛隨事有義也無念念也

無寧寧也無顯顯也不承承也不肖不似也繩之
譽之也詰朝明旦也遐不黃耇言壽考也公孫碩
膚德音不瑕道成王大美聲稱遠也鄂不韡韡言
韡韡也我從事獨賢勞事獨多也魴鱖甫甫語其
大也麀鹿麀麀語其衆也海物維錯錯雜也雜毛
曰毳雜彩曰繪雜言曰詠

廣服

治絲曰織織緇也麻苧葛曰布布通名也續綿也絮
之細者曰續續之精者曰縞縞之麗者曰素葛之

精者曰絺，麤者曰綌。在首謂之元服，弁髦太古布冠冠而蔽之者也。題頭也。顙，顏額也。璽謂之印綬，謂之綬。褱，褱謂之童容。亦云蔽膝布褐而紩之謂之藍縷。紩，縫也。袴謂之褰蔽，膝謂之褱帶之垂者謂之厲。大巾謂之幕，覆帳謂之帷幄，幕也。簀，牀第也。大扇謂之翼，杖謂之榰，鍵謂之籥。亦作鑰棋局謂之奕，在足謂之履。履尊者曰達履，謂之金舄而金絢也。

廣器

射有張布謂之侯，侯中者謂之鹄，鹄中者謂之正正。

方二尺正中者謂之槩槩方六寸棘戟也鉞鉞斧

也干敵盾也戈句子戟也

槩倪結切
敵房越切

刃之削謂之

室室謂之鞞鞞秘鞞之飾也矢服謂之殘小船謂

之艇艇之小者曰舫船頭謂之舳尾謂之艦楫謂

之橈車轅上者謂之轆轤謂之輶軫謂之枕較謂

之幹衡扼也扼上者謂之鳥喙繫綆繙也繙索也

大者謂之索小者謂之繩訕而戾之爲絰膠而紵

之爲綫垆地也墉牆謂之陴高平謂之太原汪池

也水之北謂之汭澤之廣謂之行

廣物

藁謂之稗稗謂之芻生曰穀謂之粒菜謂之蔬禾穗
謂之穎截穎謂之銍拔心曰握拔根曰擢把謂之
秉秉四曰筥筥十曰稷棘實謂之棗桑之實謂之
甚柞之實謂之橡

人有一字不識而多詩意一偈不參而多禪意一勾
不濡而多酒意一石不曉而多画意淡宕故也

山居勝于城市蓋有八德不責苛禮不見生客不混
酒肉不競田宅不問炎涼不開曲直不徵文逋不

雲遊集 卷之八
談仕籍如反此者是飯僧牛店販馬驛也

山鳥每至五更喧起五次謂之報更蓋山居真率漏聲也余憶曩居小崑山下時梅雨初霽座客飛觴適聞庭蛙請以節飲因題聯云花枝送客蛙催鼓竹籟喧林鳥報更可謂山史實錄

人無意意便無窮

雪景莫若山山雪莫若月下余嘗目擊而賦四言詩云夜起巖牖淡而無風月直松際雞鳴雪中蓋實景也

古云鶴笠鷺簑鹿裘鵲冠魚枕杯猿臂笛與夫西園
之屋廬詩意之山水皆可遇而不可求即可求而
不可常余惟紙窗竹屋夏葛冬裘飯後黑甜日中
白醉而已

巖棲幽事

睡味

癸辛志曰飽食緩行初睡覺一甌新茗侍兒煎脫巾

斜倚藤牀坐風送水聲來耳邊

裴晉公詩也

細書妨老

讀長簾愜昏眠取快且一息拋書還少年

半山翁詩也

相對蒲團睡味長主人與客兩相忘須臾客去主

人睡一枕西窗半夕陽

陸放翁詩也

讀書已覺睂稜重

就枕方歡骨節和睡去不知天早晚西窗殘日已

無多

竹有規詩也

老讀文書典易闌須知塵冗不如閒

竹牀瓦枕虛堂上卧看江南雨後山

呂榮陽詩也

紙屏

石枕竹方牀手倦拋書午夢長睡起莞然成獨笑

數聲漁笛在滄浪

蔡持正詩也

余習嬾成癖每遇暑晝

必須偃息客有嘲孝先者卽哦此以自解但苦枕

熱展轉數四後見前輩言荆公嗜睡夏月多用方

枕睡久氣蒸枕熱則轉一方冷處此非真知睡味

未易語此也

睡訣

李先曰花竹幽窗午夢長此中與世暫相忘華山處士如容見不覓仙方覓睡方睡亦有方希夷意謂息魂離神不動也遺教經云乃有煩惱毒蛇睡在汝心毒蛇旣出乃可安睡之謂近世西山蔡季通有睡訣云睡側而屈睡覺而伸早晚以時先睡心後睡眠晦翁以爲此古今未發之妙

林下盟

櫛頭小梳也斜撩尖梳也扞子耨掠也快兒一曰快

子筋也划子小船也塅子輕竹轎也隔壁送槍也
滿堂紅采絹方燈也兀子橈也鷄子紙鳶也一曰
風箏搭護禿袖衫也

琴有敝聲初不知何字東坡言嵇中散琴賦云間遼
故音痺弦長故微鳴所謂痺者猶今俗云敝聲也
敝音鮮出羯鼓錄

舊言西王母居崑崙山蓬頭虎齒而戴勝後世凡壽
慶皆圖王母蟠桃是爲美麗婦人何也

僧衣肩下有大環縫聞其名而不知其字鄭元祐遂

昌雜錄云哲那環常聞哲呼爲執音耳

暖妹由筆

龍骨

龍壽萬年不死今之龍骨或以爲蛇也見本草按造化權輿云龍易骨蛇易皮麋鹿易角蟹易螯由此言之信乎龍之骨蛇骨也

大賓辱語

画中惟山水義理深遠而意趣無窮故文人之筆山水常多若人物禽蟲花草多出画工雖至精妙一覽易盡余謂丹青有宗派姑蘇獨得其傳

天爵堂筆餘

天地未生聲韻具于太極天地既分聲韻具于天地

一陽之復聲韻之萌蘖也四陽之豫聲韻之出地
也有聲則有數有數則有卦色象臭味吉凶晦吝
皆自然而然談耕

蠻煙蜃雨

嶺南異物志云蠻煙蜃雨無別晨暮蜃蜃也

艷雪

韋應物荅徐秀才詩云清詩舞艷雪孤抱瑩玄冰極
其工緻而艷雪二字尤新又五弦行云如伴流風
縈艷雪更逐落花飄御園又樂燕行云艷雪凌空

歎舞羅起徘徊屢用艷雪字而不厭其複也或問
予雪可言艷乎予曰曹子建洛神賦以風流迴雪
比美人之飄搖雪固自有艷也然雪之艷非韋不
能道柳花之香非太白不能道竹之香非子美不
能道

柴門

晉書儒林傳贊清貞守道抗志柴門詩人多用柴門
字原出于此

希篋篋筆

町疇

詩町疇鹿場毛萇云鹿跡也說文曰町疇禽獸所踐
處漢儒解經如此可笑原詩人之意謂征夫不歸
町疇之地踐爲鹿場非謂町疇卽鹿場也按左傳
町原防井衍沃千寶注平川廣澤可井者則井之
原堤防不可井者則町之町小頃也町疇皆說

銀鐙

銀言狼銀鐙大鐙也後漢書崔烈以銀鐙鎖今多誤
鐙作銀至有銀鐙三公脚刀撞僕射頭之句其傳

誤習舛如此

檀暈

東坡詩鮫綃翦碎玉簪輕檀暈熬成雪月明肯伴老人春一醉懸知欲落更多情按畫家七十二色有檀色淺赭所合婦女暈斜色似之人皆不知檀暈之義何也

長流

古呼治獄參軍爲長流人多不知按帝王紀云少昊崩神降于長流之山于紀主秋秋官司寇主刑罰

也故取秋帝所居爲嘉名也

枕譚

山繭

禹貢曰萊夷作牧厥篚檠絲史記作舍絲爾雅曰檠
山桑顏師古曰山桑之絲其韌中琴瑟之弦蘇氏
曰惟東萊爲有此絲以之爲繒堅韌異常萊人謂
之山繭爾雅又曰蠟桑繭讐由樗繭棘繭欒繭蚬
繭繭今萊陽之山繭細蓋樗繭也枚乘七發野繭
之絲以爲弦殆所謂蠟繭而韌堅者與

雲夢菜
溪談

二郎神

二郎神衣黃彈射擁獵犬實蜀漢王孟景像也宋藝祖平蜀得花蕊夫人奉景小像于宮中藝祖怪問對曰此灌口二郎神也乞靈者輒應因命傳于京師令供奉蓋不忘景以報之

張僊

人以二郎挾彈者卽張僊也二郎乃詭辭張僊乃蘇老泉所夢僊挾二彈以爲誕子之兆因奉之果得軾轍二子見集中

真武

真武卽龜蛇玄武神也青龍白虎朱雀皆奇惟玄武
陰象獨偶北方肅殺之氣故持劍其色玄故衣玄
問到底

嘗見人相詰必曰打破沙鍋問到底不知其說後知
問乃壘字器瑕也沙鍋力薄損則其壘到底故怪
問者借此以言

窟壘

俗稱孔爲窟壘蓋翻切也窟壘窟輕牽孔市語有黑
鬼切翻漏入分等語欲諱而不明也傳久遂不知

所謂

屈戌

屋門牖關鎖處釘鉸也俗呼不一亦不知爲何字近
觀輟耕錄所載爲此字引梁簡文帝詩云織成屏
風金屈戌唐商隱詩云鎖香金屈戌又李賀詩屈
膝銅鋪鎖阿甄又作屈膝銅鋪卽金鋪古之戶牖
飾寶石鴉瑚每見權貴人以青寶石作帽頂曰鴉
瑚考之回回之寶有五色亞姑又曰鴉鶻蓋翻字
譯者不必太求也

詢芻錄

山林之樂

唐人有詩曰相逢盡道休官去林下何曾見一人
嗟世人假途躡榮守資待次沉酣于名利中而莫
知止其于徜徉山林之下自有樂地殊未知也夫
政務之擾孰與琴書之娛冠裳之拘孰與野服之
適午門待漏寒威逼孰與睡覺東窗日已紅若急
流中勇退者誠達矣哉

新知錄

波羅蜜樹如荔枝樹差大皮厚葉圓有橫文小枝附
樹身而生一枝含數實花落實出大如斗皮亦似

荔枝有刺類佛首螺髻之狀肉若蜂房近子處可
食與熟瓜無異而風韻過之子如肥皂核大亦可
燭食味似豆春生秋熟交人珍之

納息下氣

納息下氣之法不拘晝夜趺坐啖菜數莖屏伏
鼻息心中默念納息下氣一次五次七八至九俱
氣隨意進直至後門進出每一口氣進至九屈一
指爲記虛右大指屈至九指是爲九九八十一數
虛火自降真火自生元氣週流一無阻滯可以卻

疾可以延年近取諸身歷有明驗其視鉛汞金丹之術相去遠矣

補山雜說

甘草大者如柱土人以架屋吾友唐愚士西遊親見之

玉面狸謂之風狸止食山果而乘風過枝甚捷味獨勝地狸宜糟食尤佳

蟬與石巨海皆海錯之佳者

罪雪錄

大明會典載

朝廷樂器中有二十弦者卽箜篌是也

醴陵縣有綠水可以寫字卽儒學泮池是也遇雨連

陰則色淡

江漢叢談

雲適淡墨卷之八

終

雲邁淡墨後跋

滇南遠在天末而麗陽僻
壤尤區域之極西木翁先
世藩封矻然擁戴

天子其來舊矣前此世祿疆

圉者代矢忠順然於軼遠
代裕後昆者鮮有著聞自
生白公挺生慕賢嗜善雅
與當道及海內諸名達神
交一切聲色田獵驕侈玩

好之習屏而去之公暇之
餘孜孜惟圖史是親典墳
是究沈研之久咀英茹華
卓然有得凡可淑身以淑
世醒悟沈迷昭徹性命彙

羣言而集爲一帙名曰雲
邁淡墨是編也抽古今祕
密之蘊抉兩間理道之精
括中庸日用之理昭惠逆
感應之緘大而無所不該

備微而無所不周詳竊歎
曰席寵之家而能繇禮自
範斯亦可以振家聲光鄰
郡矣廼惜陰好學旁搜格
言非繼善成性駸駸鼓舞

而能若是乎余髫齡時耳
飽公之忠孝節義萃於一
門今讀是集字字見公之
心板言言覘公之勤思希
賢希聖之學脩仙脩佛之

基在世出世之方種種具
足滙萬象于寸靈羅二酉
于筆底豈足以盡公無斁
之美哉至若捐厚實以佐
軍需而橋梁道路梵宇十

方無不樂施利濟又是集
之有得於心而偶露其一
班耳令名無窮子孫榮懷
得是集可以獻之

當宁爲化民成俗之助雖謂

萬里邊臣脩身固圉世世
戴

天捧

日可也余得斯集無論駟馬
珙璧雖有靈蘭之祕瓊笈

之文吾不與之易矣

南京國子監博士通家侍
教生王御乾頓首拜撰